

四庫全書

子部

欽定四庫全書

六藝之一錄卷三百七十二

錢唐倪濤撰

歷朝書譜六十二

明

董其昌

董其昌字玄宰華亭人萬歷十六年進士選庶吉士授編修出為湖廣提學副使起太常少卿天啓二年改兼侍讀學士歷遷禮部尚書贈太子太傅謚文敏

天才俊逸善談名理少好書畫臨摹真蹟至忘寢食
中年悟入微際遂自名家行楷之妙跨絕一代四方
金石之刻造請無虛日尺素短札流布人間爭購寶

之

松江志

其昌云吾學書在十七歲時初師顏平原多寶塔又
改學虞永興以為唐書不如晉魏遂倣黃庭經及鍾
元常宣示表力命表還示帖丙舍帖凡三年自謂逼
古不復以文徵仲祝希喆置之眼角乃於書家之神

理實未有入處徒守格轍耳比游嘉興得盡覩項子
京家藏真蹟又見右軍官奴帖於金陵方悟從前妄
自標評自此漸有小得今將二十七年猶作隨波逐
浪書家翰墨小道其難如是

畫禪室
隨筆

其昌又云余書與趙文敏較各有短長行間茂密千
字一同吾不如趙若臨倣歷代趙得其十一吾得其
十七又趙書因熟得俗態吾書因生得秀色吾書往
往率意當吾作意趙書亦輸一籌第作意者少耳

畫書

眼

高江村云明書名之振世者南則董太史玄宰北則

邢太僕子愿其合作之筆往往前無古人

錄銷夏

董玄宰揮毫楮素簇簇如行蠶閃閃如迅雲飛電

玉劍

尊聞

董玄宰先生字畫之妙超軼前代世所共寶章都諫

魯齋令華亭日精印朱絲烏絲長箋金箋斗方雲母

箋大小副啓俱以細料潔白綿紙印裁極工者送備

先生文房之用益知先生文字不假手於人而人亦

無能爭巧於化工也

閔奎翠橘
堂箋臆

董文敏嚴君平傳卷行書 董思白書陸處士傳卷

楷書 董思白書潘安仁秋興賦卷行楷書 董文

敏花開携酒詩大行書 董思白曹公生祠碑冊行

書 董思翁法書名畫冊 董玄宰書鮑明遠舞鶴

賦并題 董文敏書宴桃李園序楷書

式古堂書
畫彙考

董玄宰字卷

僕生平見玄宰真蹟幾百卷此卷大有李邕徐浩風
雖小下晉人一等總之名世書也是日廣州刺史北
鄉先生饒至彩豪遂濡墨為題此此時波撼河樓不
減岳陽惜筆勢不堪作敵

來禽
館集

董宗伯書誥

蔡忠惠公書法妙一世而風裁自持至邵溫成書碑
之命以為職非侍書歐陽六一集古目錄成得公書
叙以為厚幸元趙文敏為其宗人書誥敕皆變用小

楷亦欲稍別中翰體耳惟唐顏魯公自書詰恭謹如
式今董宗伯為吳觀察公書綸誥一如魯公自書例
無一筆越縱者蓋觀察公才品文學宗伯素所推重
不啻歐蔡之交故樂為濡染而無厭斲也書法圓勁
蒼秀兼有顏骨趙姿而顧盼雄毅加精米馬觀察得
此誠環寶矣

恬致
堂集

董玄宰倣顏清臣楊景度書

顏楊書於唐人中可謂絕去縑錠攫身青冥不可呼

致者矣其於右軍靈和一派終有睽若之歎玄宰於書無所不淹而少年得力在蘭亭聖教序所以妙會處多未可一途取也余友孫茂叙雅善鑒極重玄宰此書故相與評之

恬致堂集

董思白與沈侍御書牘

思翁書法吾朝米襄陽也未經特召反繫袍袖跳躍飛捷落筆如雲煙博金硯匣玉鎮紙之賜又不如王岐公宣入坐便殿勅宮嬪求詩與學士潤筆各取頭

上珠花裝幀頭簪不盡者納入袖中旋取針線縫聯袖口宴罷以金蓮燭送歸世傳為天子請客蓋國朝君臣禮嚴故應爾爾若翰墨流傳朝野不減米博士王岐公獨復菴沈侍御能寶於未遇之前梁叔出入於懷袖之內直是真正賞鑒家家藏兩學士翰札也新思翁題曰御墨堂為吾松第一名胄梁叔博雅堅守清白不佞事之在師友間矣

書畫史

董宗伯手書家誥

宋制誥與勅多兼給高宗詔文武官自大夫正任觀察以上始命辭給誥餘則令吏具抄降勅而已唐最重誥命開元二十三年加皇子榮王以下官誥張九齡蕭嵩等十三人就集賢院人書一通以進三相各賜絹三百匹餘官二百匹其愛重如此顏魯公太子少師依前充禮儀使勅牒及父惟貞贈誥皆公自書不他屬也太宗伯玄宰董公德首四科學綜六藝神考拔之中秘光廟擢之講帷今皇帝追念甘盤累登

禁近八座正席三代疏榮雅知譽命之方新猶歎邈
思之甚久歷按差次遷除誥勅其升沉歲月大約可
覩矣公七十一時手書數通用以發皇祖德對楊王
休而冢孫貢士庭則請礱石而傳之此公碑版中第
一烜赫之書也昔包宗禮藏熙陵誥詞則孝肅公十
五代孫歐陽齊藏慶歷知諫院官誥則文忠公十四
代孫今庭能流通見在之祖蹟不待數世而冢謨國
寶煥然揭日月而行聲價幾與顏魯公自書誥等豈

商伯乙鼎周淮父卣乃足以傳之無窮哉賢者必有
後其庭之謂矣

書畫
跋

董玄宰書

玄宰太史精詣八法不擇紙筆輒書書輒如意此帖
摹米襄陽書秦太虛龍井記大都以有意成風以無
意取態天真爛漫而結構森然往往有書不盡筆筆
不盡意者龍蛇雲物飛動腕指間此書家最上乘也
昔人謂伯英書價可以敵國今太史片楮單牘人爭

寶之語不虛哉門人張清臣氏雙鉤廓填因以搨石
蓋於其書法加意珍愛而謀以求其傳如此余生平
無所不拙而更獨拙於書然邇來頗亦解書跋此聊

以破俗

何三畏漱
六齋集

董宗伯書法華經

董宗伯書法擅天下作小楷妙法蓮華經風流蘊藉
掩映一時予曾見之於程雲岫家三十年矣王君慈
現近得此見示如舊相識古賢士大夫栖心大乘每

以筆墨而作佛事大藏經函裴丞相皆為手題白太
傅所書金剛曾著靈異予未及見僅見蘇學士石刻
耳在毗陵日有泥金書法華云是趙承旨筆恨力薄
無由得之張太尉書法華經秀勁絕倫猶是洪武間
印本鄭翰林寶之其公子素居贈予歸鎮山門一乘
大法理須尊敬名手遺蹟出自精誠廣大流通尤當
秘重若僅作法書觀便失却一隻眼況於展轉輕褻
則風雷之變亦不待夙誓相持也謹書標首并題其

前庶使來者知儆

偏行
堂集

董宗伯尺牘

榮咨道費千金聚天下奇書而所作乃不能入中品
為識者笑此未得窺見古人用心處亦繇胸襟柴棘
不盡除耳故凡文章筆墨必須內外相應始許踴翻
前人窠臼武夷道士王壽安年八十餘徒步負笈來
游雲間欲覓董宗伯真蹟證其生平所見予家藏尺
牘三紙是其亂頭麤服時意致特舉以贈之昔嘗游

武夷即一邱一壑之間前後左右各自為景壽安得

宗伯書試歸而求之何如

李昱放鵬亭集

董思白曹公生祠碑冊

文敏此記專師李北海間有似顏尚書徐季海者蓋係晚年之筆變化古人獨出機杼不規規形似為也

聞翁博雅嗜古蒐羅墨寶不遺餘力所藏文敏真蹟

甚夥此尤其神妙者漫識數語以附不朽康熙丁未

中元後八日華亭沈荃

式古堂書畫考

董思翁法書名畫冊

有明一代書畫結穴於董華亭文沈諸君子雖噪有

時名不得不望而泣下

式古堂書畫彙考

曹溶

書評全師聖教而兼魯公藏鋒之妙小牋二十幅蒼
老簡潔俱臻神境向曾見之而不能購今為題此牋

與義交併矣沈荃

同上

董宗伯書道公碑

題刻見前

董原正

董原正字伯長

其昌從子

少有逸才臨池特妙與莫廷韓

同時風骨高華已度驂騑前

畫禪室隨筆

李日華

李日華字君實嘉興人萬曆壬辰進士除九江推官

累遷太僕寺少卿能書畫善賞鑒一時士大夫風流

儒雅好古博物者祥符王損仲雲間董玄宰為最君

實書畫亞於玄宰博雅亞於損仲而微兼二公之長

靜志居

詩話

李肇亨

李肇亨字會嘉號珂雪太僕日華子書摹褚

網珊瑚

米萬鍾

米萬鍾字仲詔其先關中人徙京師萬厯乙未進士
仕至太僕少卿性好石人謂無南宮之顛而有其癖
號為友石先生行草得南宮家法與華亭董太史齊
名時有南董北米之譽尤善署書擅名四十年書蹟

遍天下

書史
會要

米萬鍾著篆隸考譌二卷

孫承澤藏
輔人物志

王思任

王思任字季重號遂東山陰人萬厯乙未進士知興平當塗青浦三縣袁州推官稍遷刑工二部主事出為九江府世稱其詩歌書法與董思白陳仲醇相伯

仲

山陰志

李流芳

李流芳字長蘅嘉定人萬厯丙午舉於鄉再上公車

不第絕意進取書法規模東坡

嘉定志

趙岫

趙岫字子函一字屏國整屋人萬厯己酉領鄉薦所
居近周秦漢唐故都古金石名書多在焉援据考證
略仿歐陽公趙明誠洪丞相三家名曰石墨鐫華自
謂窮三十年之力多都玄敬楊用修所未見也

列朝詩集

趙岫云余八歲時朱秉器先生手虞伯施書使予臨
摹余私心竊慕古人每獲一名碑必摩弄累日不忍

釋去片石隻字輒疏記之

石墨鵞
華自序

詹景鳳

詹景鳳字東圖休寧人初為南豐掌教終吏部司務
深於書學用筆不凡如冠冕之士端莊可敬狂草若
有神助變化百出不失古法論者謂可與祝京兆狎
主當代所著書有詹氏小辨並千文等帖行世

書史
會要

景鳳於文章師二京時出入莊左於書師右軍父子

介州
續崇

陳仲醇

陳仲醇工詩畫六法華亭人為高才生與同郡董其昌齊名年二十九取儒衣冠焚棄之結茅崑山之陽後居東余山工詩文雖短翰小詞皆極風致

松江志

繼儒書法蘇長公故於蘇書雖斷簡殘碑必極搜採手自摹刻之曰晚香堂帖

陳華亭詩詞諸蹟名滿三泖見冬餘記

式古堂書畫彙攷

趙宦光

趙宦光字凡夫太倉人卜居寒山所著書幾數十種

尤專精字學說文長箋其所獨解也

吳縣志

宦光篤意倉史之學創作草篆蓋原天璽碑而小變

焉繇其人品已超書亦不躡遺蹟

書史會要

趙均

趙均字靈均凡夫之子從其父傳六書之學又從燕

山僧見林授大梵字并諸國字母移日分夜父子自

相講習

吳縣志

陸萬里

陸萬里字君羽華亭人善書於時莫雲卿早逝而董文敏其後起故萬里稱獨步其昌少貧嘗作萬里書市之人以為贗弗售也

松江志

陸萬言

陸萬言字君策萬里弟萬厯五年鄉舉亦能書

松江志

周履靖

周履靖字逸之嘉興人去經生業專力為古文詞詩

編茅引流雜種梅竹讀書其中自號梅癩道人工篆

隸章草行楷與文休承王元美相友善

嘉興縣志

沈啓南

沈啓南字道明號志崇又號巢雲澄源居士嘉興人

閉戶讀書博綜載籍間為詩歌書法宗北海得句染

翰往往入作者之室

陳懿典吏隱集齋集

汪鈇

汪鈇字公良別號次嶽世居新安之雙溪壯遊太學

交多名士工詩賦草書所至以觴咏自娛

書畫舫

周叔宗

周叔宗初名祖以字行入秦成均連蹶秋試遂棄去為山人裝游佛徒間書法初喜希哲已學漫仕又進學顏晚遂一意山陰父子書名大噪然不輕為人作

恬致
堂集

顧澄先

顧澄先字慧曉與周叔宗同時工歐陽書體嘗倣叔

宗筆意往往酷肖而氣不如識者以此別真贋

松陵文獻

沈庭訓

沈庭訓字子承別號玉岑山人長洲人為諸生有聲好為古文詞又喜為詩尤工書法自晉唐以來墨刻手摹皆逼真或按其時世先後辨真贋巧拙皆如目擊吳人士爭踏門請求書冊卷軸充塞案几慨然應之終日無倦容

賜問
堂集

周之士

周之士字士貴號四明居士齊興人工詩文能書翰
逼真魏晉嗜慕古人之蹟佳搨妙墨所在輒終年精

玩游鶴堂
墨鼓

朱期昌

朱期昌字辰翁與周之士同邑亦善書

同上

杜大綬

杜大綬字子紆吳郡人善書

珊瑚網

杜子紆望裏生烟詩帖草書

式古堂書
畫彙考

薛明益

薛明益字虞卿楷書衡山後一人也

珊瑚網

薛明益與少室札行書

式古堂書畫彙考

穆光胤

王世貞題其所臨七姬帖云與真本對覈之幾不可

辨

余州續彙

張東白

趙宦光云前輩張東白作草篆近於迂怪亦有不可

及處

長箋

沈仲亨

詹景鳳云沈仲亨虞部志心二王之間雅以詩翰稱

南署

本集

康時萬

康時萬字孟修號郎山晚更號了予居士隱居不出

詩必宗唐字必宗晉揮毫染墨有大厯永和之風

雲間

志略

徐煥

徐煥字惟起又字興公閩縣人博學工文善草隸書
萬厯間與曹能始狎主閩中詞盟後進皆稱興公詩
派閩書

俞安期

俞安期字羨長吳江人徙陽羨老於金陵嘗以長韻
一百韻投贈王元美元美為之傾倒宜興縣志

安期不獨擅騷壇抑亦工臨池

珊瑚網

魏之璜

魏之璜字考叔上元人起孤貧業丹青以餬口

書史會要

魏考叔真書師黃庭經結構微密神采流麗

江寧府志

朱慶斯

朱慶斯字仲望生貴介孳孳向學篤好稱詩又工書

凡篆隸行草心摹手追無不習

弇州山人稟

楊學詩

楊學詩字可言號琴臺子精騎射通音律書畫皆工

朱良叔
猶及編

李世嶼

李世嶼廣德順德人生萬曆甲午二歲不言善書大字如白沙先生體四歲時貴陽馬御史文卿按廣東召之見抱膝上令寫手甚小握甚固作字如碗口大揮灑甚疾神童也

湧幢小品

白仲

白仲字子中晉陵人康敏公孫落魄能飲酒學晉人

書甚工

王穉登
雨航記

高元雅 高孟超

高元雅嘉興人汪珂玉云萬厯中來吾郡書家首推

高元雅

珊瑚網

高孟超字公玄元雅之子能擅其傳

同上

谷淮

谷淮字文東秦中賈人子客於淮陽傭書頗好博覽

兼善音律仿文徵仲書法

靜志居
詩話

朱完

朱完字季美號白岳南海諸生萬厯時人隸書嚴整

清勁獨步一時楷書作顏體行草亦佳

書史
會要

馬元震

馬元震字伯起南海諸生隸書與朱完爭名用筆雖

古體勢多怪

書史
會要

黃之璧

黃之璧字白仲上虞人攻詞章書畫與屠隆相友善

名重一時

書史
會要

沈嗣選

沈嗣選字仁舉萬厯甲午舉人志行高潔不仕書法

本歐虞

嘉興
縣志

許伯倫

許伯倫行書師孫過庭勁媚錯出圓熟溫茂如王謝

兒郎皆有體韻

江寧
府志

許無念伯倫子真行似乃父

而秀逸過之

同上

陸從龍

陸從龍杭州諸生善書法萬厯中詔天下工書者試

為官從龍再試稱旨授中書舍人直武英殿

杭州府志

馮其隆

馮其隆字景雲桐鄉人善書神宗朝書宣聖廟碑筆

法有唐人逸致

桐鄉志

張應唯

張應唯字汝契浦江人善二王體喜為人書世外事

自署為清樾逸叟而不名

浦江人
物補遺

溫如玉

溫如玉字白雪長洲人僑寓青州工真草篆隸尤善

鈞臨法帖有肅府石刻傳世

山東
通志

蘇眉山

蘇眉山字志乾莆田人領順天鄉薦知新會縣萬厯

初卜居於沙長於吟咏尤善臨池

延平
志

詹希賢

詹希賢休寧人善篆隸諸體著書筌極論書法四方

多師之由儒士授江西檢校

徽州府志

詹萬里

詹萬里希賢子以善書重一時

全上

馮敏効

馮敏効字忠卿平湖人善屬文杜門著述工大小行

書著字學一卷

平湖志

陸曾煜

陸曾煜字章之會稽人精於字學博採諸家作字原

私謚曰毅真

紹興志

劉世學

劉世學字石屏山陰人精鍾王書法泰昌登極以殊

恩授職不仕禮部郎中張夬顏其廬曰字隱

山陰志

朱應佐

朱應佐字宸卿居靈暗粉塘工詩善真草書與朱鷺

趙宦光輩相唱和縱遊名山佳水間

吳縣志

葛應典

葛應典字貞白少孤讀書以孝廉自砥為縣諸生有

聲性喜臨池行楷入義獻之室

吳縣志

韓治

韓治字君理長洲人八歲能書徑尺大字董其昌目

之為神童舉於鄉知雲和縣調黃巖

蘇州府志

高道素

高道素字玄期號明水嘉興人歷官工部屯田郎中

善鑒古工字學

嘉興縣志

李坤

李坤將樂人年少不羈傲睨物表工詩善草書游吳

越燕趙間鍾伯敬林茂之皆器重之

延平志

蔣之芳

蔣之芳字士榮號適菴萬厯中為崑山訓導工草隸

蘇州

志

張元舉

張元舉字懋賢陳道復外孫書法文待詔端逸有體

吳縣志

浦融

浦融字通詹吳縣人書法倣晉人筆意

吳縣志

璩之璞

璩之璞字君瑕楷法妍雅人品高潔不趨榮利士論

多之

松江志

方元懷

方元懷號兩江歙人善書隆萬間名噪一時

徽州府志

葛符

葛符字君信吳之西洞庭人事莫公遠傳其書法

吳縣志

志

葛一龍

葛一龍字震甫符子嗜古力學書法亦適古可傳

同上

強存仁

強存仁字善長學周天球書獨有深解

同上

彭汝諧

彭汝諧字原素號蔚菴萬歷丙辰進士善書

同上

鄒謙

鄒謙字仲樞號自牧博學善吟好鍾王書人皆推之

志常熟

趙之璧

趙之璧字十五後改名珣字枝斯莆田人善草書

福建

志通

梁山

梁山字靜卿好稱詩尤善臨池萬厯中為龍門訓導

博羅縣志

龍德化

龍德化武陵人為徽州判官工詩善書

常德府志

彭天禩

彭天禩字提卿號念溪為高州府經歷書學二王

萬載

縣志

宋九德

宋九德字士吉篤志博古工詩文善楷書為萬安縣

訓導

同上

郭汝宣

郭汝宣字贊明號月塘萬厯乙巳歲薦博通經史善

楷書

同上

黃叔遁

黃叔遁行書法章草而清勁特甚

江寧府志

張朗

張朗性孤介不樂與俗伍家貧以醫自給能詩善行

楷書

松江志

項拱辰

項拱辰字惟忠善大小楷書

崑山志

杜士基

杜士基號筏城博雅嗜古善楷書嘗手鈔二十一史

精好絕倫

松江志

潘緯

潘緯字象安歙人善詩工隸書官中書舍人

徽州府志

朱履

朱履字與白仁和人善屬文亦工書篆隸皆可觀

杭州

府志

顧端

顧端海鹽人工詩畫精六書義為上舍生

海鹽圖經

葛曉

葛曉字雲岳上虞人長於詩文工書法

紹興志

金湯

金湯字維垣浙人善鼓琴能詩尤工顏魯公書法青

州碑碣多出其手

山東通志

車時俊

車時俊將樂人博物洽聞以楷草書名

延平志

梁思年

梁思年順德人博古工詩翰得其隸書者競珍之

廣東

通志

黎永正

黎永正番禺人舉孝廉博學善文工楷隸

廣東通志

徐昆

徐昆莆田人善篆隸

閩書

許用敬

許用敬字孟輿能詩工書落筆適逸邢侗以為弟子

臨邑縣志

歸昌世

歸昌世字文休崑山人能詩文書法逼晉唐

蘇州府志

顧聽

顧聽字元方精於字學趙宦光纂說文長箋相與考

訂

吳縣志

沈如封

沈如封字慰先工詩文尤精八法

石門縣志

吳潛

吳潛字餐霞書法得米南宮筆意

同上

沈甲秀

沈甲秀字凝芝長於詩文博通篆學

同上

諸文星

諸文星字紫鄰善詩工篆隸楷書

石門縣志

王雯東

王雯東字坦富為人方正和介能詩工行草

江寧府志

官賢

官賢字子選仕溫州府推官博學多才工草書善吟

咏 延平志

車素

車素將樂人楷書學歐陽詢

同上

胡靖

胡靖南平人工書畫後為僧名澄雪

同上

朱廷剛

朱廷剛字天德好讀書尤深於易習晉唐書法自號

九峰先生

浦江人
物補遺

周梓

周梓字啓孝巴陵人工法書善吟咏官貴溪縣丞

羅治

十二故
人傳

朱賓

朱賓字元賓吳江人有經學書法趙孟頫

松陵
文獻

周宣

周宣莆田人書絕似米南宮嘗為常德推官

游居
錄

錢伯升

錢伯升雅士也精醫工草隸

歌菴集

陸長庚

陸長庚樵李人萬厯間人善草書

翠倚堂箋臆

尤道恒

尤道恒能楷書字體遒勁

弇州續稿

王應賓

王應賓太倉人書學娜如子亦能窺潘

同上

王慎修

王慎修王履吉之從孫能書

同上

杜大中

杜大中姑蘇人官主簿善書

唐氏小辨

文從先

文從先字用之號岷陽肇祉子工書畫

文氏族譜

姚之裔

姚之裔真行學松雪

續說
郭

羅萬象

羅萬象字惟一草書學懷素

續說

李世澤

李世澤號半野工飛白

全上

郭惟誠

郭惟誠字成也真行學朱射陂

同上

林景暘

林景暘號乳泉善真行

同上

吳鉞

吳鉞臨川人嘗為御史詩與字俱有法

湯顯祖玉茗堂集

蕭端岳

蕭端岳字鎮之江西泰和人工篆書

書史會要

洪珠

洪珠字玉方號西淙山人官參政善行草

同上

張環

張環樂清人以神童舉入翰林為中書舍人八歲時

能作徑丈大字

同上

章冕

章冕字尚周號服齋嘉定諸生善楷書行草尤工大

字

同上

鄧良佐

鄧良佐字損齋南海人工隸書

同上

宋臣熙

宋臣熙號起巖溧陽人官廣東新安令善書小楷宗

黃庭

同上

黃應儔

黃應儔閩人詩文字畫兼工

胡甲桂遠齋詩草

顧杲

顧杲字子方無錫人工草書大字負豪氣死於兵

五石

瓠

范文光

范文光內江人草書有高致

同上

錢邦芭

錢邦芭草書道勁

同上

曹延光

曹延光字瞻明號閒止居士書學鍾

珊瑚網

蔣元龍

蔣元龍字神卿華亭人書法與莫雲卿一體

同上

洪邦基

洪邦基字慶之能文工小楷

同上

鍾快

鍾快竟陵人鍾惺弟長齋事佛通書畫

譚友夏集


王衍相

王衍相閩人摹刻聖教序一通於岳廟頗欲亂真

張丑

清河書

畫舫



六藝之一錄卷三百七十二

欽定四庫全書

子部

六藝之一錄卷三百七十三

詳校官中書_臣陸 湘

負外郎_臣牛稔文覆勘

總校官檢討_臣何思鈞

校對官中書_臣陸 湘

謄錄監生_臣王 宮

欽定四庫全書

六藝之一錄卷三百七十三

錢唐倪濤撰

歷朝書譜六十三

明

黃道周

黃道周字幼玄一字螭若號石齋漳州人博搜廣覽書無不通詩文隸草皆自成一家天啟壬戌進士選

庶吉士授編修歷官禮部尚書

黃石齋行狀

黃幼玄奏揭 黃銅山與蔣八公札二卷 黃石齋

簪筆披襟詩帖草書

式古堂書
畫彙考

黃銅山與蔣八公札二卷

外翁解相印歸鑰偶從案頭見石齋黃先生手書二
冊近百葉皆詔獄中與翁還返案牘也先生臨池高
妙不必言至造次顛沛中信紙直書顏筋柳骨不失
尺寸斯豈臨池之技乎抑不獨黃先生難也先生櫻
鱗履虎甘刀俎如飴而吾翁獨傾身擁護百計脫黃

先生於厄時鉤黨漸興鉗網四射遂有草頭一將之
謠非徐虞求王素公張鯢淵三君子密鳩千金寢其
事幾罹不測噫亦危矣史籍所載虞卿孔融輩然諾
相死皆一時矜激無濟毫末眎數君子臣節友誼何
如哉然使此數君子不幸而以臣節友誼特著又豈
世道之福乎言念及此開筆三嘆甲申臘望周廷鑑
元立謹識

式古堂書
畫彙考

石齋先生中黨人之禍禍且不測至有以白冠髻纓

之說進者生平款好大都屏跡以謂事無可如何徒
自及爾獨吾師力為營救義不反顧卒先生所繇脫
者繫吾師之力也當是時遂有蜚語及師同志震悚
而師目不為瞬久之事罷吾鄉徐冢宰曰若輩之伎
倆有盡八翁之不見不聞無窮諒哉蓋吾師義篤友
朋實愛深君父誠恐望風下石之徒塵黷聖德為天
下萬世慮至深遠也方先生下詔獄師告之曰自明
夷演易後名賢幽繫皆著書自見若不能脫子於險

我責也子無成書子責也故先生獄中所著有春秋
論斷詩序正易象正等書又手寫孝經百本頌颺聖
孝今觀往來諸牘皆履險經危之具而兩賢敦勉道
誼獨立不懼之槩具可想見即其文辭斐然書法一
本鍾王又何其從容不苟也古人之美何足以云華
亭門人張壽孫謹跋

同上

洪周祿

洪周祿字半石黃岡人天啟壬戌進士授戶部主事

出知常州府解綬歸里肆志詩文行草書妙絕一時

為董思白所賞

湖廣通志

諸清臣

諸清臣字清之會稽人日臨魏晉隋唐諸帖輒忘其

疲

來禽館集

婁堅

婁堅字子柔嘉定人經明行修學者稱為大師五十
貢於春官不仕而歸書法妙天下風日晴美筆墨精

良方欣然染翰不受促迫

嘉定志

宋珏

宋珏字比玉莆田人善八分書規撫夏承碑蒼老雄

健骨法斬然

閩書

陳元素

陳元素字古白書法歐陽率更精楷入神

蘇州志

陳古白書海嶽菴小記

此菴在北固山下乃丹徒趙令君所自記者陳太學

古白既為書碑石而又縮小書此以便學者古白天
心筆陣不下長公而狷介不苟有米老之潔其於篤
志之君子千古可無愧色已

墨林
快事

魯得之

魯得之字孔孫為太僕李日華入室弟子工寫竹兼

工歐虞書法

嘉興
志

何白

何白字无咎永嘉人幼時為郡小史龍君御為郡司

理異其才為加冠集諸名士賦詩以醺之為延譽於海內遂有盛名西遊酒泉南窮湘沅歸隱梅嶼山中

能書善畫

永嘉定

吳周生

吳周生新安人董其昌墨禪軒說云周生坐擁萬卷

博雅好古尤精八法

歙乘

朱茂曙

朱茂曙字子衡秀水人文恪公國祚之孫為縣學生

工行楷書為董文敏所稱私諡安度先生

堯峰文抄

朱茂皖

朱茂皖字子芾號芾園

茂曙弟

補諸生以學古聞讎經

糾史蠶頭細書盈篋滿笥未嘗少暇息

俞汝言漸川集

汪淮

汪淮字汝又休寧人好稱詩尤工書法嘗書陽山寺

額董宗伯其昌過休寧見之歎曰此中有人

徽州府志

俞可進

俞可進字子漸婺源人精鍾王書法雲間董玄宰陳
眉公見其所書黃庭心經驚為絕品

同上

李永昌

李永昌休寧人善書與董思白齊名思白雅重之所

書如董筆云

徽州府志

洪度

洪度黃梅人精書法一日洪濤浮敝篋發之乃宋僧
道肯集篆金剛經字久磨滅精思七晝夜重臨刻石

宗伯董其昌釋以小楷藏京師摩訶菴

湖廣通志

沈瑞徵

沈瑞徵字靈繹號玄圃博學工詩文書法鍾元常見

知董文敏

海寧縣志

徐弘澤

徐弘澤字潤卿號春門書法從吳興取途晚愛張伯

雨遂與姚丹邱頡頏

恬致堂集

沈叔淳

沈叔淳更名自新字曼倩號窠字學眉州雙井又能

篆籀

同上

陸鳴和

陸鳴和字三孺隱竹橋里李日華六君詠云七歲誦

騷賦十年摹右軍藝翰兩奇絕卓哉超輩羣

六研齋三筆

吳秋林

吳秋林歙人寓春波里門無雜賓時時襆被就羽人

釋子假榻焚香煮茗意蕭如也書法趙吳興

紫桃軒雜綴

陸元厚

陸元厚家貧為童子師性方嚴行止踴躍喜蓄異書

書摹急就婉逸有態

同上

沈行叔

沈行叔富有六書之學其所剖析務極於微眇上溯

篆籀下逮隸分有邁必收有蓄必奇

學古緒言

朱纓

朱纓字清文嘉定人書工小篆及行楷不多為詩而

間一書其中所欲言悠然之味常在言外同上

安紹芳

安紹芳字茂卿居無錫之膠山山有滌硯亭因自號

硯亭居士字臨曹娥碑

晚香堂集

李彞仲

李彞仲詩才清敏書法通古尤長於尋大大字美標

格有玉樹臨風之槩

張鴻磐西州合譜

嚴衍

嚴衍字永思博學好奇隱居教授善書法作擘窠大

字更奇偉

嘉定縣志

沈弘嘉

沈弘嘉字叔雅嘉興人工篆隸八分董氏戲鴻堂帖

其手摹勒石也

珊瑚網

項真

項真字不損嘉興人汪珂玉云不損為吾郡書家龍

鳳惜其作李北海盡頭耳

珊瑚網

項不損臨東坡墨妙亭詩帖 項不損毗陵道中詩

帖行楷書

式古堂書畫彙考

宋獻

宋獻字獻孺號如園官山東參議行草遒勁尤善榜

額晚年寫各體臻妙

書史會要

童朝儀

童朝儀字令侯山陰人天啟壬戌武進士歷官後軍都督工書畫善詩詞文采風流一時名公鉅卿競相

推服

山陰志

孫幼如

孫幼如真書如玉環豐艷而有致行草師米元章蘇

湖學記碑如優孟之視叔敖

江寧府志

張振英

張振英字玄度為諸生有聲家徒四壁而左圖右史

焚香埽地秩如也字法雲麾碑嘗於隙地種竹數十

竿因號苦竹

同上

高松聲

高松聲字谷傳嘉興人志行峻潔一介自嚴構水肥齋於西郊焚香埽地栽竹賦詩淡如也書法直入二

王堂廡

嘉興府志

王淑

王淑字子逸嘉興人書法宗趙魏公高松聲故姓王

淑為松聲從弟世以雙隱目之

嘉興府志

吳高節

吳高節字希夷小楷行書入趙吳興神境與文衡山
做趙書及停雲館摹趙帖如出一手

徽州府志

洪墨卿

洪墨卿休寧人善書徑大大字以尺量壁塗抹而成

極飛舞生動之致

徽州府志

文震孟

文震孟字文起別號湛持待詔之曾孫生而奇偉眉
稜上指目光射人與世所傳文信國像無異年五十

始成進士為熹廟改元之歲廷對大魁天下崇禎初
拜禮部左侍郎兼東閣大學士諡文肅書蹟遍天下
一時碑版署額與待詔埒

文氏
族譜

文湛持吳門交臂札行書 文文起晨間札 文湛

持與眉公札 文文起與凡翁札 文湛持與凡夫

二札

式古堂書
畫彙考

文震亨

文震亨字啟美文起之弟風姿韻秀書畫咸有家風

為中書舍人給事武英殿

吳中人
物考

文啟美看桃花詩帖

式古堂書
畫彙考

文從簡

文從簡字彥可元善子書法北海最得其神遲暮始

膺歲薦需次待選不就歸

文氏
族譜

文彥可與文蔚札

式古堂書
畫彙考

文祿光

文祿光號停雲從龍子能書

文氏
族譜

文謙光

文謙光字去盈為縣學生善臨池行楷倣晉人神骨

俱肖

吳縣志

文去盈與靈均札

式古堂書畫彙考

文寵光

文寵光字仲吉謙光弟亦善書

文氏族譜

傅汝循

傅汝循字孟博為泰州訓導崇禎初陞濟南通判書

摹晉唐宋諸名家俱有法

吳縣志

陳師泰

陳師泰字交甫黃岡人宗禎庚午舉於鄉累官蘇州

知府好吟咏書法直逼大蘇

湖廣通志

王一翦

王一翦字子雲黃岡人天啟時遊京師魏璫欲邀為

記室一夕遁歸崇禎庚午舉於鄉後隱廬山智林能

詩善真草書

同上

陶汝鵬

陶汝鵬寧鄉人崇禎癸酉舉於鄉高尚不仕詩宗漢魏書法鍾王一時名雋樂與之游

湖廣通志

陳丹衷

陳丹衷字旻昭崇禎癸未進士為文閎奧自成一家

詩原本離騷出入少陵長古工書能畫

江寧府志

魯憲學

魯憲學字爾章南漳人崇禎中領鄉薦博學善屬文

工詩善書畫

湖廣通志

林曰本

林曰本字原長崇禎間辟為中書不就楹邊多植梅人稱為梅隱善詩歌亦工書酒酣揮翰縱意所之徐渭之流亞

紹興志

邵彌

邵彌字僧彌清羸頎秀好學多才藝於詩宗陶韋於書仿宋元於草書出入大小米而楷法逼虞褚稱絕

工平生揮灑小幀尺幅人皆藏棄以為重或購之累

數十金

梅村集

程衷素

程衷素字阿白精於書曲盡古法尤善大字自負直
於鍾王把臂顏柳而下不屑也無生人產業以書自

給終其身

金正聲集

浦大治

浦大治字君鎔無錫人少穎異攻詩文楷書法歐陽

率更通勁有骨法徙家虞山葛巾枕杖游行山澤間

城市之中足跡可數

常州府志

嚴調御

嚴調御字印持餘杭人以高才為諸生祭酒博雅好

古能琴善書

餘杭志

房宏中

房宏中字子潤一字苾涓善古文詩詞貌頎皙而癯嗜酒能書崇禎丁丑棄妻子飄然長往後有清涼寺

僧西度於匡山見之云

江寧府志

戴笠

戴笠字曼公杭州人博學能詩兼工篆隸崇禎中從

番禺人乘桴入海後不知所終

桐鄉志

景輝

景輝不知何許人或曰景清後也崇禎間從襄漢遊楚攜一琴夜嘈嘈彈又為詩善飲酒好與文士交書

法類懷素

湖廣通志

陳振琦

陳振琦號二韓黃巖人博洽能詩尤精鍾繇書法結社為文一時文雅宗之崇禎末年任安寧州守雲南通守

周埏

周埏字原博性敏好讀書善行楷秀媚中饒有骨力

一時紙貴

冒起宗筆記

吳應箕

吳應箕字次尾號樓人貴池人縣學生行草書早學

黃山谷中學米元章顏魯公皆曲盡其工

五石瓠

俞塞

俞塞字吾體婺源人少孤客遊金陵不能歸自更其

姓為獨孤精究易理工楷書善醫

江寧府志

劉世鵬

劉世鵬字北生山陰人隱遁山中沉酣翰墨有以詩

賦及臨池千者輒揮毫罔倦

山陰志

鄭露

鄺露字湛若南海諸生工大小篆八分行草書詩曰

嶠雅集手書開雕極精楷

廣東通志

王琦

王琦字玉振昆明人隱安寧山中以詩酒自放醉甚

索筆作書淋漓道健類李北海

雲南府志

玉華山樵

玉華山樵

名氏遺闕

或自稱大呆子性天然永樂初寓金

華東陽縣東山儀容俊偉與之遊飲者每得其詩畫

詩畫雖未過人亦不塵俗其邑里姓名終莫知之嘗
見其歌及稱王姓者曰宗兄是必王其姓而建文朝
忠臣也

友松居士

友松居士姓申屠氏

佚其名

博物好古善吟咏工書尤

善寫生嘗鑿池構軒其上環植松數株人呼曰友松

處士因以自號

姚夔文敏公遺藁

固窮居士

固窮居士

佚其名氏

王問曰居士幼哭父失聰長拙生理

以善楷法游於貴卿之門

畫勝

周郎

周郎八歲書蘭亭曹娥端勁風逸有二王筆意雖紙成堆筆成家者未能過也

書畫眼

吳十九

吳十九者浮梁人能吟詩書逼趙吳興隱陶輪間所

製精磁妙絕人巧自號壺隱老人

紫桃軒雜綴

太監蕭敬

蕭敬南平人英宗初以長隨侍便殿孝宗朝入掌司

禮遍觀典籍能詩好草書

南平志

高麗崔澱

崔澱字彥沉別號楊浦高麗海州人工詩文隸書祖

述東晉草書逼真懷素

楊浦集

道家

卓晚春

卓晚春莆田人生嘉靖間自號無仙子亦曰上陽子
人呼曰小仙幼孤行乞言休咎事皆奇中初不識字
十四能詩十六善草書唐順之作小仙草書歌有瓊
瑤東海黃公符蒼古太廟姬王琢藤纏老樹千尺挂
鷹攫寒崖百鳥慙之句

閩書

張宇初

天師張宇初字子璿五歲讀詩十行並下洪武十年
方髫髻襲掌道教篇章翰墨各極精妙

書畫
眼

張迪哲

道士張迪哲字如愚號朋山福州長樂人篆隸書俱

精洪武十七年為上清宮提點

張守初
峴泉集

吳伯理

道士吳伯理號巢雲子居廣信龍虎山永樂中來郡
訪張三丰後居嘉定之鶴鳴山博通經史工詩書精

篆隸

皇明書
畫史

張復

道士張復字復陽居南宮自幼學書專法古人能運

帚作大字

秀水志

周禎

道士周禎字世昌號虛白善詩文工書法能習道書

精五雷法

臨安縣志

黃裳

道士黃裳字丹霞號塵外道人讀書明理善詩章習

張即之字

上虞縣志

釋氏

釋德祥

釋德祥號止菴仁和人書法擅名一時有鐵畫銀鈎

之妙詩刻苦高處逼郊島

陳善杭州志

姚廣孝祥老草書歌云祥師只今為巨擘上與閑素
爭巔屹錢唐山水甲天下秀氣毓子為榎楠十年不
出筆成冢中山老兔愁難安晴軒小試烏玉玦雙龍
隨手掀波瀾昨將一紙遠寄我天孫機錦千花攢願

師勿置鐵門限從他須索來千官搢紳相與歎莫及
便欲奪去加巾冠厥聲已播不知息箱篋盛貯光爛
爛其為一時推重如此

逃虛子集

釋宗泐

釋宗泐字季潭臨海人族姓周氏寓意詞章尤精隸
古虞文靖黃文獻張潞公皆推重為方外交洪武初

詔舉高行沙門師居其首

臨海志

釋來復

釋來復字見心號蒲菴族姓黃氏洪武初與泐季潭用高僧召至京除僧錄寺左覺義詔住鳳陽槎牙山

圓通院

高僧傳

來復書法似趙吳興

書史會要

釋惠熙

釋惠熙字本明善書有詩名與高季迪為友自號芝

菴

無錫志

濟上人

濟上人字玄津以解吟工書鳴於禪林

珊瑚網

釋大智

釋大智字南溟住天台工正書

書史會要

釋惟寅

釋惟寅號樗菴太倉人永樂中與修三藏賜法服工

書亦能詩為士林推重

書史會要

釋無辨

釋無辨名覺同號雪岑大同人姓康氏攻詩文嘗立

就善化寺記數千言灑翰作草書鏤諸樂石龍掀鳳

舞人稱之曰詩禪草聖

毛晉明僧
弘秀集

釋康雪庭

釋康雪庭書法學松雪極有筆力

烏程志

釋知

釋知住嘉興本覺寺善書永樂中召校藏典寵異甚

厚

嘉興府志

釋道聯

釋道聯杭州人兩被召纂修大典游戲翰墨緇白咸重之後坐逝英宗悼之勅葬於藕花居之旁

杭州府志

釋守仁

釋守仁字一初號寄傲軒富春人能文辭草書宗晉

亦能篆隸

皇明書畫史

釋一初螺山隱士歌

見式古堂書畫彙考

釋萬金

釋萬金字西白吳江人居吳之寶積寺詩文字畫皆

精絕書畫
史

釋定徵

釋定徵喜讀儒書詞翰俱妙有前人風

鮑翁家藏集

釋宗奎

釋宗奎杭州人祝允明奎上人署書贊曰雄穎偉墨
突如其來云誰之為緇師宗奎佛有三昧散百在觀
子以其餘戲入書翰天宮寶樹截萬楨餘昆刀瑚珠
鈎鉞鏤錐縱橫闔締構輾轉按規拊矩束帶頂冕

千力萬氣曳斫不斷平原風骨溥光首面耳目警聳

誰敢褻玩衆夫瞻仰老史作贊

祝氏集略

釋戒裏

釋戒裏姓李氏從文徵仲游能書

海鹽圖經

釋福懋

釋福懋字大林竹堂寺僧少有戒行嘗遊文太史徵

明之門書學智永

皇甫汈長洲志

釋定暄

釋定暄字東白嘉定人成化中任僧錄司善書弘治

間寫經第一擢左善世

明僧弘秀集

釋完敬

釋完敬號碧菴長於染翰師法虞世南深造其妙詩

才清俊名播於時

鄧穀常熟志

釋德清

釋德清號憨山初住曹溪萬厯時說法匡廬文字妙

敏一寫千言善行草

書史會要

釋宏祿

釋宏祿號蓮池姓沈氏萬厯時人住越之雲棲寺以

修淨土弘範一世書法端楷可宗

書史會要

釋洪恩

釋洪恩號雪浪金陵黃氏子年十二出家長干寺博

通經史攻習翰墨

高僧傳

雪浪善詩書法通媚通名理有江左支郎風韻

袁宗道游

錄居

釋彬公

釋彬公

神宗時人

字化儀號慧空克振宗風旁通翰墨

珊瑚

綱

釋宗公

釋宗公

神宗時人

能詩善顏魯公書

珊瑚

釋如濂

釋如濂號竹堂性僻潔居一小樓明牕四圍一榻一

几不置雜物作小詩有澹致書法顏柳

紫桃軒又綴

釋智旌

釋智旌字輩如別號秋潭晚更號黃葉頭陀俗姓周

氏嘉興長水鄉人能詩工書

恬致堂集

黃葉老人書力祖顏行稍涉雙井風義成就如霜後
擘柑香味俱絕同上

釋同六

釋同六黃葉老人親弟禪戒清苦臨黃庭經足躡躋

山陰堂奧

高僧傳

釋智訥

釋智訥石門人性穎悟佛書一覽即通尤工書住持

徑山

石門志

釋永傑

釋永傑字斗南扶桑人書宗虞永興

書史會要

釋如曉

釋如曉字萍踪蕭山人失其姓幼不知書年二十餘

以罪逃臨安山中獨棲古廟十餘年深山月朗見竹

影在地豁然有省折桂畫鑪灰遂善書崇禎間結茅

烏石峰側名曰巖艇

杭州志

釋道生

釋道生字九奇楚之黃梅人住靜廬山崇禎初來遊

江城以詩著名右手胎孿能以左運筆如飛紙上端

楷超逸有鐵門限之風

翠橋堂箋臆

名媛

高妙瑩

高妙瑩字叔琬解縉母也通經史傳記善小楷曉音

律算數女工極其敏妙

名媛
詩歸

蔡氏

蔡氏隱士韓奕妻也讀書通大義善筆札嘗書經刻

以行世

吳中人物志

徐氏

徐氏裔出吳之天平山歸水東陸輿讀書通大義知

楷法子霽入翰林封孺人

震澤集

馬氏

馬氏名間卿字芷居金陵人陳翰林魯南之繼室也

書法蘇長公得其筆意頗與魯南相類

金陵志

黃氏

黃氏遂寧黃簡肅公珙之女新都楊修撰用修之繼

室也博通經史工筆札閨門肅穆用修亦嚴憚之

媛名

詩歸

金元賓妻

金元賓妻萬厯時人元賓為履吉上足故書法亦因

之綿麗多態而閨曄之氣未除

王世貞三
吳楷法跋

邢慈靜

邢慈靜貴州左布政馬拯妻少卿邢侗妹也書宗李

衛

武定
州志

慈靜善仿兄書

名媛
詩歸

邢夫人自述詩帖

見式古堂
書畫彙考

黃氏

黃氏編修趙景妻也少工楷法讀書通曉大義

名媛
許歸

姚氏

姚氏號青峨居士秀州人姚玄瑞女歸范君和日讀

漢魏以來諸集摹晉諸家書法吟咏多散佚不盡傳

玉鴛閣遺
橐小傳

陸氏

陸氏名卿子姑蘇尚寶卿師道之女太倉趙宦光凡

夫之妻也凡夫桑家廬墓與卿子偕隱寒山手闢荒

穢疏泉架壑善自標置引合勝流而卿子又工於詞
章翰墨流布一時名聲藉甚以為高人逸妻如靈真
伴侶不可梯接也

吳縣志

徐媛

徐媛字小玉副使范允臨之室也多讀書好吟咏與

寒山陸卿子唱和稱吳門二大家

靜志居詩話

近代名間以書表著者吳中為范夫人徐小淑

珊瑚網

袁氏

袁氏名九淑字君嫵通州人錢良楨之妻四川左布政袁隨之女也少讀經史尤深內典詩文清麗書法

道媚

蜀志

沈伯姬

沈伯姬聘黃履素年十八早亡書法似歐陽率更

書畫

史

葉紈紈

葉紈紈字昭齊三歲能朗誦長恨歌十三能詩書法

道勁有晉風歸趙田袁氏

續小名錄

張徽卿

張徽卿清漳人柯孝廉配寓白下善書

珊瑚網

雲濤月液

雲濤月液徽卿女弟子清瑤君贈詩云妙模樂毅衍

波牋鐵畫銀鈎字樣圓姊正臨池洗端石妹先題藥

弄輕煙

珊瑚網

女士徐範

女士徐範嘉興人十三齡能摹諸家體賣字自活

珊瑚

網

徐範縮書聖教序無一筆不肖亦無一毫蓋澀閭幃

態

味高
逸史

何玉仙

何玉仙號白雲道人史癡翁之妾能篆書

書畫
史

張天駿廝養婢

張天駿有廝養婢善書觀者嘖嘖嗟賞

紫桃軒
又綴

姜舜玉

姜舜玉號竹雪居士隆慶間舊院妓工詩兼楷書

朱鳥

逸史

馬如玉

馬如玉字楚嶼本張姓家金陵南市樓徙居舊院熟

精文選唐音善小楷及八分書

金陵志

朱無瑕

朱無瑕字泰玉桃葉渡邊女子幼學歌舞長而淹通

文史工詩善書時人以方馬湘蘭云

靜志居詩話

顧文英

顧文英善書以碧絲作小行楷繡之盛鏡囊以遺所

歡

俞琬綸自娛集

梁小玉

梁小玉武林人七歲依韻賦落花詩八歲摹大令帖長而游獵羣書作兩都賦半載而就著瑯環集三卷

書畫

史

楊宛

楊宛字宛叔金陵名妓也能詩有麗句善草書歸若
上茅止生止生重其才以殊禮遇之

金陵志

董其昌云楊宛書非直媚秀取姿而迴腕出鋒絕無

媚骨

書史會要

薛素素

薛五素素姿度妍雅能書作黃庭小楷尤工蘭竹下
筆迅掃各具意態又善馳馬挾彈能以兩彈丸先後

發使後彈擊前彈碎於空中

甲乙
刺言

卞賽

卞賽字賽賽自號玉京道人莫詳所自出或曰秦淮
人知書工小楷能畫蘭能琴僑虎邱之山塘所居湘
簾斐几嚴淨無纖塵雙眸泓然日與佳墨良紙相映
徹晚依良醫保御氏刺舌血為書法華經既成自為

文序之

梅村
集

王少君

王少君名曼容白皙而莊清揚巧笑殊有閨閣風其
居表以長楊人遂呼為長楊君學字於周公瑕學詩
於余宗漢學琴於許太初爭以文雅相尚

潘之恒
曲中志

楊蕙孃

楊蕙孃名曉英秦淮女郎精黃庭小楷

珊瑚網

沙宛在

沙宛在名彩姝擅臨蘭亭

同上


郝藝娥

郝藝娥名宛然工寫宣示帖上

楊叔卿

楊叔卿名婉素喜學麻姑壇一染齊紈可易百錦大

足掩映林下風上



六藝之一錄卷三百七十三